

Artigo 3º

En calquera momento, o secretario xeral poderá revogar o exercicio das competencias que son delegadas por esta resolución, das que quedan excluídas, en todo caso, os supostos previstos no artigo 13.2º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro.

Artigo 4º

Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 22 de xuño de 2006.

Juan Fernando Salgado García
Secretario xeral de Comunicación

CONSELLERÍA DO MEDIO RURAL

Orde do 23 de xuño de 2006 pola que se abre un novo prazo de presentación de solicitudes das axudas en réxime de concorrencia competitiva para a renovación do parque de tractores da Comunidade Autónoma de Galicia, establecidas na Orde do 19 de abril de 2006.

Dada a necesidade de fomentar a introdución na agricultura de novos tractores fiables, seguros, que garantan unha mellora nas condicións de traballo dos agricultores, con alta tecnoloxía para atender os requirimentos da agricultura moderna, é dicir, máis eficientes enerxeticamente e que permitan unha redución das emisións contaminantes, cómpre ampliar o prazo de presentación de solicitudes para continuar subvencionando o achatarramento de tractores antigos sempre que vaia acompañado da compra dun tractor novo.

O Real decreto 178/2005, do 18 de febreiro, establecía como data límite de presentación das solicitudes o día 30 de abril. Mediante o Real decreto 585/2006, do 12 de maio, modificábase a disposición adicional terceira do antedito Real decreto 178/2005, facultando o Ministerio de Agricultura, Pesca e Alimentación para modificar o prazo máximo para a presentación das solicitudes destas axudas.

Dado que o ministerio exerceu esta potestade lexislativa de modificar o prazo de presentación das solicitudes a través da Orde APA/1925/2006, do 12 de xuño (BOE do 17 de xuño), cómpre publicar para o ámbito da Comunidade Autónoma de Galicia a apertura dun novo prazo de presentación das solicitudes neste mesmo sentido. Polo tanto,

DISPOÑO:

Artigo único.-As solicitudes de axuda correspondentes ao ano 2006, previstas no Real decreto 178/2005, do 18 de febreiro, e na Orde do 19

de abril de 2006, poderán presentarse desde o día seguinte ao da publicación desta orde, ata o día 18 de xullo de 2006 inclusive, nos medios previstos no artigo 38.4º da Lei 30/1992, do 26 de novembro, e preferentemente nas oficinas agrarias comarcais ou nas delegacións provinciais da Consellería do Medio Rural.

Disposición derradeira

Única.-Entrada en vigor.

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 23 de xuño de 2006.

Alfredo Suárez Canal
Conselleiro do Medio Rural

**CONSELLERÍA DE CULTURA
E DEPORTE**

Orde do 15 de xuño de 2006 pola que se declara de interese galego a Fundación Pro-Patrimonio Rois e se ordena a súa inscrición no Rexistro de Fundacións de Interese Galego.

Con data do 6 de xuño de 2006 foi publicada no *Diario Oficial de Galicia* a orde da Consellería de Presidencia, Administracións Públicas e Xustiza, do 18 de maio de 2006, pola que se clasifica de interese cultural a *Fundación Pro-Patrimonio Rois*, adscribíndoa á Consellería de Cultura e Deporte, que exercerá plenamente o protectorado sobre ela.

Esta fundación, de acordo co establecido no artigo 6 dos seus estatutos, ten como obxecto o estudo, catalogación, restauración e protección do patrimonio cultural situado na área territorial que abrangue o concello de Rois.

Por iso, en virtude das competencias que me confire o artigo 34 da Lei 1/1983, do 22 de febreiro, reguladora da Xunta e do seu presidente, e segundo o establecido no artigo 8 da Lei 7/1983, do 22 de xuño, de réxime das fundacións de interese galego, modificada pola Lei 11/1991, do 8 de novembro, e no artigo 32.3º a) do Regulamento de organización e funcionamento do protectorado das fundacións de interese galego, aprobado polo Decreto 248/1992, do 18 de xuño,

DISPOÑO:

Primeiro.-Declarar de interese galego a *Fundación Pro-Patrimonio Rois* xa que os seus estatutos cumpren as prescricións que, para tal efecto, sinala a vixente lexislación en materia de fundacións de interese galego.

Segundo.-Ordenar a inscrición da *Fundación Pro-Patrimonio Rois* no Rexistro de Fundacións de Interese Galego da Consellería de Cultura e Deporte, para os efectos constitutivos que sinala a Lei 7/1983,